

DESCRIPTION DE LA COSTE D'ESCOSSE DONT LETTET, (S'ESTDANT IVS QVES A A EDENBVRG) EST le Plus renommé haure.

Premierement, de *Coquet* eylant iusques à l'Isle dictée *Heylichlant*, c'est à dire terre sainte N.N. O. il y a 4. lieuës, & il y a bonne rade pour ancrer du costé de S. sur 3. ou 4. toises, tout deuant le Chasteau y est la rade meilleure. Entre le bout Occidental desescueilz dictes *Schassen*, & l'Isle sainte, dict *Heylichlant*, gisent deux roches vis à vis l'une de l'autre qu'on nomme de *Ploech*, c'est à dire, la charrië, & *Goudt-steen*, c'est à dire, Pierred'Or. L'on met *Dunstabourg* & *Bambourg* l'un sur l'autre, & on n'auige ainsi parmy lesdicts rochers, & de la o. n. o. 3. lieuës gist *Barvuyck*, & pour entrer dens le Canal vers ledict lieu, on laisse les baques ou marques d'osieres à main droicte, & tire on droict iusques deuant ladicte Ville de *Barvuyck*. De la iusques à *S. Abbenhaet*, c'est à dire, teste ou cap de S. Abo, n. n. o. il y a 5. lieuës. *D'abbenhaet* iusques à l'Isle dictée *Bafs* Oëst Nordoëst il y a 4. lieuës Item depuis l'extremité des rochers dictes *Schassen* iusques à *S. Abbenhaet* nordoëst, il y a 6. lieuës. De la iusques à l'Isle de *Mayen*. n. o. & n. o. quart au n. il y a 4. lieuës De l'Isle de *Maye* iusques à *Fijsnes* n. E. à l'E il y a vne lieuë: de *Maye* derechef iusques à *Bafs*, S. o. & S. o. quart au S. il y a deux grandes lieuës L'Isle de *Bafs* gist vne lieuë du terroir occidental: del'Isles de *Bafs* iusques à *Brand* eylant c'est à dire, l'Isle ardante, o. & o quart au n. o. il y a 3. lieuës l'on peut nauiger alentour d'icelle Isle du costé de s. Trois lieuës vers l'o. de l'Isle ardente pres du Terroir meridional gist la *Ville d'Edenbourg*, Ville capitale de l'Ecosse.

Item au costé du n. de *Fijsnes* gist le golfe de S. André, la ou il faict bon feiourner contre le vent d'Oëst. De S. André 3. lieuës vers le n. gist la riuïere de *Donde*, s'estendant de la Mer en dedès au pays à trauers, & il y faict bon ancrer deuant la ville; plus auant gist vne villete nommée S. Iean. Item en Mer gist vne escueil nommé *Scaep*, c'est à dire, Mouton, vers le S. E. de *Donde* à lieuë & demie long de terre 2. lieuës vers le n. de *Donde* y a vne tour aiguë sur le coing de terre nommé *Albrodt*, à 2. lieuës de la vers le n. gist le haure de *Monros*, qui est bon pour entrer de deux costez par le milieu de l'eau, & bon pour y ancrer deuant la ville du costé de n. Item du costé de n. de *Monros* a 3. lieuës gist le cap ou auant coing de *Seynhooft* sur lequel y a vn petit Chasteau. Deux lieuës vers le n. De la, gist le haure, d' *Aberdein*, duquel le costé d'Est est bon, & celuy d'o. mauuais, il y faut entrer ioignant le terroir d'Est iusques dens ledict haure, & dens la bouche ou entrée est la profondeur de 3. toises, & au dedans d'iceluy se peut ietter ancre deuant la ville sur 4. ou 5. toises. En tirant vers le n. il y a vn grande Golfe mais il est a sec des deux costez, il y passe vn Canal, vers la ville *Abberdyn*, laquelle est vne ville ruinée.

Les pays susdicts produisent gros Draps d'Escoce, Frisettes, Houille, peu d'Orge & Griote pour brasser biere.